

Radyo an Norvys

(<http://www.dasunys.net/podcast.htm>)

Titel: Nowodhow an seythun (31/10/07)

Auctour: Matthew Clarke

Dydh: 31 Hedra 2007

Pesyans: 00:02:46

Matthew Clarke ov... hag ottomma nowodhow an seythun...

Deg person ha seyth-ugens veu kemmerys 'mes a'ga chiow dy'Yow y'n nos yw passyes.

Gelwys veu an kreslu ha'n tanlu dhe Ji-war-dreth wosa tansys a dheuth ha bos re vras hag ogas dhe gannow asetylin.

An gas a yll dos ha bos dyantell hag yth esa own a dardhans.

Res o dhe'n drevogyon gortos peder-our--warn-ugens kyns i dhe dhehweles tre.

Ni a wra klywes piw a wra an gonis 'hwilas-ha-selwel' yn Kernow, erbynn kres a nessa blydhen.

Yma an governans ow privedhya an jynnow askel-dro.

Y'n eur ma... an gonis yw gwithys gans Skwadron seyth-seyth-onan dhe Gilros.

An morlu a wra usya an jynnow askell-dro ynwedh a-vel kar-klavji-ayr y'n nos.

Yma own na vydh lowr a gudhans y'n nos pan vydh yn-dann with a gowethas privedh.

Trethow yn Caradon a wra gwitha aga gwithysi bywnans nessa blydhen.

Hemm yw warlergh ervirans dhe'n konsel.

I a wra tyli dew-ugens-mil peuns dhe'n RNLI.

Yth esa dout kyns, bos arghans lowr rag pesya gans an gonis

Gwithysi bywnans war Dreth Whitsand a selwis tredhek bywnans y'n hav tremenys.

Ha pennseythun dewl o rag agan parys rygbi...

An Vorladron a gollas war aga thir aga honan.

I a gavas unn-poynt-warn-ugens erbynn dew-boynt-warn-ugens dhe Nottingham.

Lannstefan eth dhe-ves ha gwari erbynn Coventry... ha kelli pypmp-poynt-warn-ugens dhe seyth-poynt-warn-ugens.

He tewl dres eghenn o a-barth Rysrudh.

An Rudhyon eth dhe Blaydon ha kelli pypmp-poynt-warn-ugens dhe dravyth.

Kocha an para, Nigel Hambly a leveris bos an kammow fest gokki.

Ha'n para pelldroes Sowsnek a dheuth dhe Syllan an seythun ma.

Yth esa David Beckham ha Steven Gerrard war Ennor rag fylmya argemmynn.

An sterennow a gavas termyn rag gwari pelldroes dhe'n dinas gans fleghes leel.

Ha prys yw leverel blydhen Geltek nowydh da.

Ha'n bys Sowsnek ow kul bri a 'Halloween'... y koedh dhyn ni dehweles dhe'gan hengov ni ha solempnya Kalan Gwav.

Istoryer Graig Weatherhill re'n hwithras...

[CLIP]

Blydhen Geltek nowydh da... hag agas gweles nessa seythun.